

სსიპ „სახელმწიფო ზრუნვის სააგენტო“

გამარტივებული ელექტრონული ტენდერის

დოკუმენტაცია

სსიპ „სახელმწიფო ზრუნვის სააგენტო“ ტერიტორიულ ერთეულში (ფილალში)
ზუგდიდის ბავშვთა სახლში განთავსებული ბენეფიციარებისათვის ჯანდაცვის
სამსახურის მომსახურებების (სტომატოლოგიური მომსახურების) შესყიდვის
შესახებ

ქ. თბილისი
2011 წელი

სარჩევი

1. ინსტრუქცია ტენდერში მონაწილეთათვის	3
2. ტექნიკური დოკუმენტაცია	7
3. სახელმწიფო შესყიდვის შესახებ ხელშეკრულების პროექტი	8
4. დამატებითი ინფორმაცია	13
5. დანართი N1, აფიდავიტის საილუსტრაციო ფორმა	14
6. დანართი N2 სატენდერო წინადადების ფასი (ერთეულის ფასების ჯამური ღირებულება - პრეისკურანტი), ფასების ცხრილი, ტექნიკური დავალება, მიწოდების ადგილი და ვადები.....	15
7. დანართი N3 ანგარიშსწორების პირობები და ვადები.....	19
8. დანართი N4 რეკვიზიტები.....	20

1. ინსტრუქცია ტენდერში მონაწილეობის

1.1 სახელმწიფო შესყიდვების ერთიან ელექტრონულ სისტემაში (შემდგომში – სისტემა) შესყიდვის პროცედურები ხორციელდება საქართველოს კანონის „სახელმწიფო შესყიდვების შესახებ“, და „გამარტივებული შესყიდვის, გამარტივებული ელექტრონული ტენდერისა და ელექტრონული ტენდერის ჩატარების წესის“ შესაბამისად.

1.2 სატენდერო წინადადების წარდგენისათვის უნდა იყოს დარეგისტრირებული სისტემაში მიმწოდებლის სტატუსით. შემდეგ ვალდებული ხარტ გაეცნოთ აფიდავიტს და დაეთანხმოთ მას (გაცნობას და თანხმობას ადასტურებთ სისტემის მეშვეობით). აფიდავიტის საილუსტრაციო ფორმა იხ. დანართი #1).

1.3 ამის შემდეგ, მიმწოდებელი ვალდებულია ჯერ წარმოადგინოს სატენდერო წინადადების უზრუნველყოფის ელექტრონული გარანტია, ხოლო შემდეგ გადაიხადოს ტენდერში მონაწილეობის საფასური.

1.4 სატენდერო წინადადების უზრუნველყოფის ელექტრონული გარანტია წარმოდგენილი უნდა იქნას სატენდერო განცხადებაში მითითებული სავარაუდო ღირებულების 1%-ის ოდენობით. ტენდერში მონაწილეობის საფასური შეადგენს 50 ლარს.

1.5 ელექტრონული გარანტიის წარდგენისა და საფასურის გადახდის სისტემაში არსებული ავტომატური საშუალებების დროებითი ტექნიკური გაუმართაობის შემთხვევაში, ელექტრონული გარანტიის წარდგენა და საფასურის გადახდა ყოველ კონკრეტულ ტენდერში შესაძლებელია განხორციელდეს სისტემის გამოყენების გარეშე.

1.6 ამ ინსტრუქციის 1.5 პუნქტით გათვალისწინებულ შემთხვევაში, როდესაც ხდება ელექტრონული გარანტიის წარდგენა და საფასურის გადახდა სისტემის გამოყენების გარეშე, ელექტრონული გარანტიის დედანი და საფასურის გადახდის დამადასტურებელი დოკუმენტი წარედგინება შემსყიდველ ორგანიზაციას. აღნიშნული ქმედებების განხორციელების გარეშე თქვენ არ გექნებათ სატენდერო წინადადების წარდგენისა და, შესაბამისად, ტენდერში მონაწილეობის შესაძლებლობა.

1.7 ელექტრონული გარანტიის ოდენობა შეადგენს შესყიდვის ობიექტის სავარაუდო ღირებულების 1 (ერთი) პროცენტს, ხოლო ვადა განისაზღვრება სახელმწიფო შესყიდვების ერთიან ელექტრონულ სისტემაში წინადადების მიღების დაწყებიდან არანაკლებ 30 კალენდარული დღით.

1.8 მას შემდეგ, რაც ზემოაღნიშნულ ქმედებებს განახორციელებთ, თქვენ უფლება გაქვთ სისტემის მეშვეობით წარადგინოთ სატენდერო წინადადება, რომელიც ძალაშია აღნიშნულ ტენდერზე „ხელშეკრულება დადებულია“, „დასრულებულია უარყოფითი შედეგით“ ან „ტენდერი შეწყვეტილია“ სტატუსის მინიჭებამდე.

1.9 სატენდერო წინადადება შედგება სატენდერო წინადადების ფასისგან და ტექნიკური დოკუმენტაციისგან.

1.10 ტექნიკური დოკუმენტაცია არის პრეტენდენტის მიერ სისტემაში ატვირთული შესყიდვის ობიექტისა და პრეტენდენტის შესახებ ნებისმიერი სახის ინფორმაცია, რომელიც მოთხოვნილია სატენდერო განცხადებითა და სატენდერო დოკუმენტაციით, გარდა ადმინისტრაციული ორგანოდან წარმოსადგენი საკვალიფიკაციო მონაცემების დამადასტურებელი დოკუმენტებისა.

1.11 ტექნიკური დოკუმენტაციის ატვირთვის შემდეგ, თქვენ გაქვთ შესაძლებლობა მიუთითოთ თქვენი სატენდერო წინადადების ფასი კანონმდებლობით გათვალისწინებული ყველა გადასახადის გათვალისწინებით.

1.12 სატენდერო წინადადების ფასის მითითებისთანავე თქვენ უფლება გაქვთ მიიღოთ მონაწილეობა ელექტრონულ ვაჭრობაში, რომელიც იყოფა ძირითად დროდ და დამატებით 3 რაუნდად.

1.13 ძირითად დროში უფლება გაქვთ ცვალოთ თქვენი ფასი, კლებადობის პრინციპის გათვალისწინებითა და შემსყიდველის მიერ განსაზღვრული ბიჯზე არანაკლები ოდენობით.

1.14 ბიჯი არის სატენდერო წინადადების ფასის კლების წინასწარ განსაზღვრული მინიმალური ოდენობა, რომელიც მითითებულია სატენდერო განცხადების შესაბამის ველში.

1.15 დამატებითი რაუნდების თითოეულ რაუნდში პრეტენდენტს უფლება აქვს მხოლოდ ერთხელ შეამციროს წინადადების ფასი, რისთვისაც განესაზღვრება ორი წუთი. დამატებით რაუნდებში მონაწილეობა სავალდებულო არ არის და პრეტენდენტს უფლება აქვს რაუნდში მონაწილეობა არ მიიღოს და, შესაბამისად, ძალაში დარჩება მის მიერ ბოლოს დაფიქსირებული ფასი. რაუნდებში მონაწილეობის მიღება გულისხმობს ზემოთ აღნიშნული პრინციპით ფასის შემცირებას ან მის იგივე ოდენობით დატოვებას.

1.16 დამატებით რაუნდებში მონაწილეობის უფლება აქვთ მხოლოდ იმ პრეტენდენტებს, რომლებმაც ძირითად დროში წარადგინეს წინადადება დადგენილი წესით. პირველ რაუნდში პრეტენდენტის მიერ წინადადების ფასის წარდგენის რიგითობა განისაზღვრება ძირითად დროში წარდგენილი წინადადების ფასის მიხედვით, კერძოდ, პირველ რაუნდში ბოლო შეთავაზებას აკეთებს ის პრეტენდენტი, რომელმაც ძირითად დროში ყველაზე დაბალი ფასი დააფიქსირა, ხოლო ყოველ მომდევნო რაუნდში - კი ის პრეტენდენტი, რომელმაც წინა რაუნდში ყველაზე დაბალი ფასი დააფიქსირა. წინადადების თანაბარი ფასების დაფიქსირების შემთხვევაში, რაუნდში ბოლო შეთავაზებას აკეთებს ის პრეტენდენტი, რომელმაც პირველმა დააფიქსირა ასეთი ფასი.

1.17 მას შემდეგ, რაც დასრულდება დამატებითი რაუნდები, სისტემა პრეტენდენტებს აჯგუფებს სატენდერო წინადადების ფასის მიხედვით. ამის შემდეგ შემსყიდველი ორგანიზაციის მიერ მოწმდება ყველაზე დაბალი ფასის მქონე პრეტენდენტის ტექნიკური დოკუმენტაცია.

1.18 იმ შემთხვევაში თუ ორი ან მეტი პრეტენდენტის მიერ სისტემაში მითითებულია თანაბარი ფასი, სისტემა ავტომატურად ანიჭებს უპირატესობას იმ პრეტენდენტს, რომელმაც პირველმა მიუთითა სატენდერო წინადადების აღნიშნული ფასი.

1.19 იმ შემთხვევაში, თუ პრეტენდენტის მიერ სისტემაში ატვირთული ტექნიკური დოკუმენტაცია არ შეესაბამება სატენდერო განცხადებასა და სატენდერო დოკუმენტაციაში მითითებულ მოთხოვნებს, სატენდერო კომისიის გადაწყვეტილებით ხდება პრეტენდენტის დისკვალიფიკაცია, გარდა იმ შემთხვევისა თუ პრეტენდენტის მიერ სისტემაში ატვირთული ტექნიკური დოკუმენტაცია არ შეიცავს ისეთ მონაცემს ან/და შეიცავს ისეთ უზუსტობებს, რომელთა წარმოდგენა ან/და დაზუსტება არ გამოიწვევს ტექნიკური დოკუმენტაციის არსებით ცვლილებას და არ მოახდენს გავლენას წინადადების ფასზე. ასეთ შემთხვევაში შემსყიდველი ორგანიზაცია მიმართავს პრეტენდენტს მის მიერ წარმოდგენილი ტექნიკური დოკუმენტაციის დაზუსტების მოთხოვნით, რისთვისაც განუსაზღვრავს გონივრულ ვადას, მაგრამ არა უმეტეს სამი სამუშაო დღისა.

1.20. იმ შემთხვევაში, თუ ყველაზე დაბალი ფასის წინადადების მქონე პრეტენდენტის მიერ სისტემაში ატვირთული ტექნიკური დოკუმენტაცია შეესაბამება სატენდერო განცხადებასა და სატენდერო დოკუმენტაციაში მოცემულ მოთხოვნებს, სატენდერო კომისია მიმართავს მას ადმინისტრაციული ორგანოს მიერ გასაცემი საკვალიფიკაციო მონაცემების დამადასტურებელი დოკუმენტების წარმოდგენის მოთხოვნით (სატენდერო დოკუმენტაციით ასეთი მონაცემების მოთხოვნის შემთხვევაში), რისთვისაც განუსაზღვრავს გონივრულ ვადას, მაგრამ არა უმეტეს ხუთი სამუშაო დღისა. პრეტენდენტის მიერ საკვალიფიკაციო მონაცემების დამადასტურებელი დოკუმენტების წარმოდგენა შემსყიდველ ორგანიზაციაში შესაძლებელია განხორციელდეს სისტემის გამოყენების გარეშე, საქართველოს კანონმდებლობით დადგენილი ფორმით, პრეტენდენტს ასევე უფლება აქვს საქართველოს კანონმდებლობით დადგენილი ფორმით გაცემული საკვალიფიკაციო მონაცემების დამადასტურებელი დოკუმენტები (ელექტრონული სახით) შემსყიდველ ორგანიზაციას წარუდგინოს სისტემის მეშვეობით.

1.21 იმ შემთხვევაში თუ ყველაზე დაბალი ფასის მქონე პრეტენდენტმა წარმატებით გაირა ყველა ზემოთ მოყვანილი ეტაპი (არ იქნა დისკვალიფიცირებული), ამ პრეტენდენტის მიერ საკვალიფიკაციო მონაცემების დამადასტურებელი დოკუმენტების წარდგენიდან (სატენდერო დოკუმენტაციით ასეთი მონაცემების მოთხოვნის შემთხვევაში) პრეტენდენტსა და შემსყიდველ ორგანიზაციას შორის იდება ხელშეკრულება, ამ საკვალიფიკაციო მონაცემების წარდგენიდან არა უგვიანეს ხუთი სამუშაო დღისა.

1.22 პრეტენდენტის დისკვალიფიკაცია ხდება შემდეგ შემთხვევებში:

ა) თუ საუკეთესო ფასის მქონე პრეტენდენტის სატენდერო წინადადება და ტექნიკური დოკუმენტაცია დაზუსტების შემდგომ არ შეესაბამება სატენდერო განცხადებისა და სატენდერო დოკუმენტაციის მოთხოვნებს

ბ) თუ პრეტენდენტი უარს იტყვის თავის სატენდერო წინადადებაზე;

გ) პრეტენდენტის მიერ ადმინისტრაციული ორგანოებიდან წარმოსადგენი საკვალიფიკაციო მონაცემების (სატენდერო დოკუმენტაციით ასეთი მონაცემების მოთხოვნის შემთხვევაში)

დამადასტურებელი დოკუმენტების შემსყიდველის მიერ განსაზღვრულ ვადაში წარმოდგენილობის ან/და ხარვეზის მქონე ან შეუსაბამო მონაცემების წარმოდგენისას;

დ) თუ პრეტენდენტის მიერ წარმოდგენილი ტექნიკური დოკუმენტაცია მოითხოვს დაზუსტებას და სატენდერო კომისიის მიერ განსაზღვრულ ვადაში პრეტენდენტი არ დააზუსტებს ტექნიკურ დოკუმენტაციას

ე)თუ გამარჯვებული პრეტენდენტი უარს განაცხადებს ხელშეკრულების დადებაზე ან არ წარმოადგენს ხელშეკრულების შესრულების უზრუნველყოფის საბანკო გარანტიას (სატენდერო დოკუმენტაციით ასეთი გარანტიის მოთხოვნის შემთხვევაში) შემსყიდველის მიერ განსაზღვრულ ვადაში;

ვ)თუ პრეტენდენტი ხელშეკრულების დადების უფლების მოპოვების მიზნით, ჩაიდენს არაკეთილსინდისიერ ქმედებას.“.

1.23 ამ ინსტრუქციის 1.22 ქვეპუნქტით გათვალისწინებულ შემთხვევებში, პრეტენდენტის დისკვალიფიკაციას შემსყიდველ ორგანიზაციას უფლება აქვს მიმართოს ყველაზე დაბალი ფასის მქონე მომდევნო პრეტენდენტს, თუ ამ პრეტენდენტის მიერ სისტემაში ატვირთული ტექნიკური დოკუმენტაცია შეესაბამება სატენდერო განცხადებასა და სატენდერო დოკუმენტაციაში მოცემულ მოთხოვნებს.

1.24.წინადადების უზრუნველყოფის ელექტრონული გარანტია პრეტენდენტს დაუბრუნდება ტენდერისთვის „ხელშეკრულება დადებულია“, „დასრულებულია უარყოფითი შედეგით“ და „ტენდერი არშედეგ“ სტატუსების მიწოდების შემდეგ.

1.25.წინადადების უზრუნველყოფის ელექტრონული გარანტია პრეტენდენტს არ დაუბრუნდება შემდეგ შემთხვევებში:

ა) პრეტენდენტი უარს იტყვის თავის სატენდერო წინადადებაზე;

ბ) პრეტენდენტი შეყვანილია შავ სიაში შესაბამისი ტენდერის ჩატარების შედეგად;

გ)პრეტენდენტი დისკვალიფიცირებულია შემდეგი შემთხვევების გამო:

გ.ა)თუ მის მიერ წარმოდგენილი საკვალიფიკაციო მონაცემების დამადასტურებელი დოკუმენტები არ შეესაბამება სატენდერო განცხადებას ან/და სატენდერო დოკუმენტაციას;

გ.ბ)თუ ის არ წარმოადგენს საკვალიფიკაციო მონაცემების დამადასტურებელ დოკუმენტებს მოქმედი კანონმდებლობის შესაბამისად

გ.დ)თუ ხელშეკრულების დადების უფლების მოპოვების მიზნით, ჩაიდენს არაკეთილსინდისიერ ქმედებას

1.26, იმ შემთხვევაში, თუ ელექტრონული გარანტიის პრეტენდენტისათვის დაბრუნება მოხდება ამ ინსტრუქციის 1.24. და 1.25. პუნქტებით დადგენილი პირობების დარღვევით, პრეტენდენტი ვალდებულია სახელმწიფო შესყიდვების სააგენტოს დაუბრუნოს საგარანტიო თანხა შესაბამისი მოთხოვნისთანავე.

1.27, ტენდერის შეჩერება და შეწყვეტა:

ა) სატენდერო კომისიას უფლება აქვს შეწყვიტოს შესყიდვის პროცედურა თუ ყველაზე დაბალი ფასის მქონე პრეტენდენტის დისკვალიფიკაციის შემდეგ, თუ მომდევნო ყველაზე დაბალი ფასის მქონე პრეტენდენტის წინადადების ფასი ბაზარზე შეცვლილი გარემოებების შედეგად, მნიშვნელოვნად აღემატება დისკვალიფიცირებული პრეტენდენტის მიერ შემოთავაზებულ ფასს ან/და ამ შესყიდვის ობიექტის საბაზრო ღირებულებას.

ბ) სატენდერო კომისიას უფლება აქვს ხელშეკრულების დადებამდე ნებისმიერ დროს შეწყვიტოს შესყიდვის პროცედურა, თუ ეს აუცილებელი გახდება მისგან დამოუკიდებელი და წინასწარ გაუთვალისწინებელი ობიექტური მიზეზებით, აგრეთვე საქართველოს სახელმწიფო ან/და საზოგადოებრივი ინტერესებიდან გამომდინარე;

გ) შესყიდვის პროცედურების შეწყვეტის შემთხვევაში შემსყიდველი ორგანიზაცია ვალდებული არ არის, პრეტენდენტებს წარუდგინოს კონკრეტული მტკიცებულება ან დეტალური ინფორმაცია, რომლის საფუძველზედაც მიიღო ეს გადაწყვეტილება. შესყიდვის პროცედურების შეჩერებისას ან შეწყვეტისას შემსყიდველი ორგანიზაცია ვალდებული არ არის, აანაზღაუროს შესყიდვაში მონაწილეობასთან დაკავშირებული ხარჯები.

1.28, ტენდერთან დაკავშირებული ყველა დოკუმენტი ან/და ინფორმაცია წარმოდგენილ უნდა იქნეს ქართულ ენაზე.დოკუმენტების ან/და ინფორმაციის უცხოურ ენაზე წარდგენის შემთხვევაში მათ უნდა დაერთოს ნოტარიულად დამოწმებული ქართული თარგმანი.

1.29. დავის შემთხვევაში უცხოენოვან დოკუმენტსა და მის ქართულ ენაზე შესრულებულ თარგმანს შორის, პრიორიტეტის მინიჭების საკითხს წყვეტს სატენდერო კომისია.

1.30. სახელმწიფო შესყიდვების ერთიან ელექტრონულ სისტემაში (შემდგომში – სისტემა) ატვირთული ყველა დოკუმენტი ან/და ინფორმაცია ხელმოწერილი ან/და ბეჭედდასმული უნდა იყოს უფლებამოსილი პირის მიერ.

1.31. ხელშეკრულების ფორმა და პირობები მოცემულია სატენდერო დოკუმენტაციაში, რომელიც ხელშეკრულების დადების მომენტისათვის დაზუსტდება სატენდერო წინადადების შესაბამისად.

1.33. ტენდერი გამოცხადებულია სტატუსის მინიჭებიდან, წინადადების მიღება დაწყებულია სტატუსის მინიჭებამდე მიმწოდებელს უფლება აქვს სისტემის მეშვეობით მოსთხოვოს შემსყიდველ ორგანიზაციას სატენდერო განცხადებასთან და სატენდერო დოკუმენტაციასთან დაკავშირებული საკითხების დაზუსტება, ხოლო შემსყიდველი ორგანიზაცია გონივრულ ვადაში სისტემის მეშვეობით ახორციელებს შესაბამის დაზუსტებას/განმარტებას, რითაც შესაძლებელია იხელმძღვანელოს ნებისმიერმა დაინტერესებულმა პირმა

1.34. პრედენდენტს არა აქვს უფლება წარმოადგინოს ალტერნატიული წინადადება

2. ტექნიკური დოკუმენტაცია

2.1. შესყიდვის ობიექტის ტექნიკური დავალება, მომსახურების გაწევის პირობები, ვადები და ადგილი:

2.1.1. გასაწევი მომსახურების დასახელება, ტექნიკური დავალება, მომსახურების მიწოდების ვადები და ადგილი განსაზღვრულია დანართი №2-ით

2.2. სატენდერო წინადადების ფასი

2.2.1 სატენდერო წინადადების ფასი წარმოდგენილი უნდა იყოს დანართი N2-ში მოცემული მომსახურების ერთეულის ფასის ჯამურ ღირებულების მიხედვით, მაგრამ არაუმეტეს განცხადებაში მითითებული პრეისკურანტის სავარაუდო ღირებულებისა.

2.2.2. სატენდერო წინადადებაში ერთეულის ფასი გამოსახული უნდა იყოს ლარში, მიმწოდებლისათვის საქართველოს კანონმდებლობით გათვალისწინებული ყველა გადასახადის გათვალისწინებით, გარდა დღგ-ს გადასახადისა, ასევე პრეტენდენტმა ერთეულის ღირებულებაში უნდა გაითვალისწინოს ყველა ის თანმდევი ხარჯი, რომელიც დაკავშირებული იქნება მომსახურების გაწევასთან.

2.3. პრეტენდენტის მიერ ერთიან ელექტრონულ სისტემაში ასატვირთი ინფორმაცია:

ა) პრეტენდენტმა უნდა წარმოადგინოს სატენდერო წინადადების ფასი (მომსახურების ერთეულის ფასების ჯამური ღირებულება-პრეისკურანტი), ტექნიკური დავალება, მომსახურების ჩამონათვალი, მომსახურების მიწოდების ადგილი და ვადები, დანართი 2-ის მიხედვით – პრეტენდენტმა დანართი #2-ში უნდა შეავსოს მხოლოდ ის გრაფები, რომელიც ივსება პრეტენდენტის მიერ, ხოლო სხვა დანარჩენი ინფორმაციის შეცვლის უფლება პრეტენდენტს არ გააჩნია და უნდა დაეთანხმოს შემსყიდველის მოთხოვნებს, დანართი #2 წარმოდგენილი უნდა იყოს სატენდერო დოკუმენტაციით განსაზღვრული ფორმის დაცვით;

ბ) თანხმობა სატენდერო დოკუმენტაციით გათვალისწინებულ ანგარიშსწორების პირობაზე (დანართი №3);

გ) რეკვიზიტები – დანართი №4-ის მოთხოვნათა გათვალისწინებით

დ) ინფორმაცია აუცილებელი მატერიალურ ტექნიკური ბაზის შესახებ - პრეტენდენტს აუცილებლად უნდა გააჩნდეს სტომატოლოგიური დანადგარი სავარძლით, სტომატოლოგიური მაგიდა და სკამი, მომსახურების გაწევისთვის საჭირო მედიკამენტები და ინსტრუმენტები.

თ) მომსახურების გაწევისას დასაქმებული ექიმ-სტომატოლოგის განათლების დამადასტურებელი დოკუმენტი (დიპლომის ასლი) ექიმ-სტომატოლოგების საქმიანობის დამადასტურებელი ნებართვის ასლი.

ვ) ინფორმაცია სტომატოლოგიური კლინიკის (სტომატოლოგიური კაბინეტი) ადგილმდებარეობის შესახებ - ზუსტი მისამართის მითითებით (კლინიკა აუცილებლად უნდა იყოს ქ. ზუგდიდში)

ზ) სატენდერო წინადადების ხელის მომწერისათვის უფლებამოსილი პირის მიერ გაცემული მინდობილობა (საჭიროების შემთხვევაში)

ელექტრონულ სისტემაში ასატვირთი ინფორმაციის ყველა გვერდი ხელმოწერილი უნდა იყოს უფლებამოსილი პირის მიერ.

2.4. ანგარიშსწორების პირობები:

2.4.1. წინასწარი ანგარიშსწორება (ავანსი) არ გამოიყენება.

2.4.2. ანგარიშსწორების პირობები და ვადები განსაზღვრულია დანართი №3-ის მიხედვით

2.5. დაფინანსების წყარო - სახელმწიფო ბიუჯეტი

2.6. დამატებითი მოთხოვნები

2.6.1. სატენდერო წინადადება, აგრეთვე ამ წინადადებასთან დაკავშირებული შემსყიდველსა და პრეტენდენტს შორის გაცვლილი მთელი კორესპონდენცია და დოკუმენტაცია წარმოდგენილი უნდა იქნას ქართულ ენაზე.

2.6.2. პრეტენდენტს უფლება აქვს წარმოადგინოს მხოლოდ ერთი სატენდერო წინადადება.

3. ხელშეკრულება სახელმწიფო შესყიდვის შესახებ №

ქ. თბილისი

— — 2011წ

წინამდებარე დოკუმენტი წარმოადგენს სახელმწიფო შესყიდვების შესახებ ხელშეკრულების პროექტს, რომელიც დაიდება ელექტრონული ტენდერის ჩატარების შედეგად ტენდერში გამარჯვებულთან. წინამდებარე ხელშეკრულების პროექტის პირობების დაზუსტება განხორციელდება გამარჯვებული პრეტენდენტის წინადადების შესაბამისად, რომელიც ამავდროულად თანდართული ექნება ხელშეკრულებას, როგორც მისი განუყოფელი ნაწილი.

ხელშეკრულების დამდები მხარეები

ერთის მხრივ სსიპ „სახელმწიფო ზრუნვის სააგენტო“ მისის დირექტორის თამარ მახარაშვილი სახით (შემდგომში „შემსყიდველი“)

იურიდიული მისამართი ქ. თბილისი, აკ. წერეთლის გამზ. #144,

ფაქტობრივი მისამართი თამარაშვილის ქ. № 15ა მე-3 სართული

(ორგანიზაციის დასახელება და იურიდიული მისამართი)

და მეორეს მხრივ _____

მისი _____

იურიდიული მისამართი _____

(ორგანიზაციის დასახელება და იურიდიული მისამართი)

1. ხელშეკრულების ღირებულება

შემსყიდველმა განახორციელა გამარტივებული ელექტრონული ტენდერი (განცხადების №SPA_____) სსიპ „სახელმწიფო ზრუნვის სააგენტოს“ ტერიტორიულ ერთეულში (ფილალში) ზუგდიდის ბავშვთა სახლში განთავსებული ბენეფიციარებისათვის ჯანდაცვის სამსახურის მომსახურებების (სტომატოლოგიური მომსახურების) შესყიდვაზე (CVP85131000) და ტენდერის შედეგად მიმწოდებელმა აიღო ვალდებულება მიაწოდოს შემსყიდველს ზემოაღნიშნული მომსახურება 1500,00 (ერთი ათას ხუთასი) ლარად (შემდგომში ხელშეკრულების ღირებულება)

2. ხელშეკრულების შესრულების კონტროლი

2.1. მიმწოდებლის მიერ ნაკისრი ვალდებულებების შესრულების მიზნით ხელშეკრულების მიმდინარეობის ნებისმიერ ეტაპზე შემსყიდველი ახორციელებს კონტროლს.

2.2. ხელშეკრულების მიმდინარეობის კონტროლის მიზანს წარმოადგენს:

2.2.1. მომსახურების მიწოდების ვადების ხელშეკრულების მოთხოვნებთან შესაბამისობის დადგენა;

2.2.2. მიწოდებული მომსახურების ხარისხის ხელშეკრულების მოთხოვნებთან - ხელშეკრულების დანართი №1-თან (სატენდერო დოკუმენტაციის დანართი №2 - ტექნიკური დავალება) შესაბამისობის დადგენა, შესაბამისი ინსპექტირების დასკვნის შედგენა და მის საფუძველზე მიღება-ჩაბარების აქტის გაფორმება და ანგარიშსწორების პროცესის რეგულირება.

2.2.3. საქართველოს მოქმედი კანონმდებლობით გათვალისწინებული სხვა ღონისძიებების განხორციელება.

2.4. ხელშეკრულების შესრულების კონტროლს ახორციელებენ სსიპ „სახელმწიფო ზრუნვის სააგენტო“-ს დირექტორის ბრძანებით განსაზღვრული პირი _____

3. შესყიდვის ობიექტის მახასიათებლები

შესყიდვის ობიექტის ტექნიკური დავალება, გასაწევი მომსახურების დასახელება, მომსახურების ერთეულის ფასი მოცემულია ხელშეკრულების დანართში №1 (სატენდერო დოკუმენტაციის დანართი N2)

4. მომსახურების მიწოდების ადგილი და ვადები

მომსახურების მიწოდების ადგილი და ვადები მოცემულია ხელშეკრულების დანართში №1 (სატენდერო დოკუმენტაციის დანართი N2)

5. შესყიდვის ობიექტის მიღება-ჩაბარების წესი

5.1. შესყიდვის ობიექტის მიღება-ჩაბარება ხორციელდება მიღება-ჩაბარების აქტის საფუძველზე მიმწოდებლის მიერ ფაქტიურად მიწოდებული მომსახურების შესაბამისად.

5.2. მომსახურების მიღებისას სსიპ „სახელმწიფო ზრუნვის სააგენტო“-ს დირექტორის ბრძანებით განსაზღვრული პირი (შესაბამისი ფილიალის უფროსი) მიწოდებული მომსახურების ხელშეკრულების დანართი №1-ით (სატენდერო დოკუმენტაციის დანართი №2) გათვალისწინებულ მოთხოვნებთან შესაბამისობის დადგენის მიზნით ახორციელებს გაწეული მომსახურების შემოწმებას და ადგენს შესაბამის შუალედურ ინსპექტირების აქტს.

5.3. იმ შემთხვევაში თუ, მომსახურება შეესაბამება ხელშეკრულების დანართი №1-ით (სატენდერო დოკუმენტაციის დანართი №2) გათვალისწინებულ მოთხოვნებს, სსიპ „სახელმწიფო ზრუნვის სააგენტო“-ს დირექტორის ბრძანებით განსაზღვრული პირი (შესაბამისი ფილიალის უფროსი) შუალედური მიღება-ჩაბარების აქტის საფუძველზე ახორციელებს გაწეული მომსახურების მიღებას.

5.4. გაწეული მომსახურების საბოლოო მიღება-ჩაბარების მიზნით მიმწოდებელი შემსყიდველს წერილობით წარუდგენს გაწეული მომსახურების შესახებ შუალედურ ინსპექტირებისა და მიღება-ჩაბარების აქტებს

5.6. ხელშეკრულების 5.5. პუნქტით გათვალისწინებული დოკუმენტაცია მიმწოდებელმა შემსყიდველს უნდა წარუდგინოს შემდეგ მისამართზე: ქ. თბილისი, თამარაშვილის ქ. N15ა, სსიპ „სახელმწიფო ზრუნვის სააგენტო“.

5.7. ხელშეკრულების 5.5. პუნქტით გათვალისწინებული დოკუმენტების საფუძველზე ხელშეკრულების შესრულების საბოლოო კონტროლს განახორციელებს სსიპ „სახელმწიფო ზრუნვის სააგენტო“-ს დირექტორის ბრძანებით განსაზღვრული პირი, რომელიც წერილობითი მომართვის მიღებიდან 5 (ხუთი) სამუშაო დღის განმავლობაში ახორციელებს წარმოდგენილი დოკუმენტაციის შემოწმებას, ადგენს საბოლოო ინსპექტირების აქტს და ხარვეზის არარსებობის შემთხვევაში ახორციელებს მიმწოდებელთან გაწეულ მომსახურებაზე საბოლოო მიღება-ჩაბარების აქტის გაფორმებას, ხოლო ხარვეზის არსებობის შემთხვევაში საბოლოო ინსპექტირებისა და საბოლოო მიღება-ჩაბარების აქტის გაფორმება განხორციელდება ხარვეზის აღმოფხვრიდან 5 (ხუთი) სამუშაო დღის განმავლობაში.

6. ანგარიშსწორება

6.1. ანგარიშსწორება მიმწოდებელთან განხორციელდება ლარებში, უნაღდო ანგარიშსწორების ფორმით, მიმწოდებლის მიერ ფაქტიურად გაწეული მომსახურების ღირებულების შესაბამისად.

6.2. ანგარიშსწორება განხორციელდება მიმწოდებლის საბანკო რეკვიზიტებზე.

6.3. ანგარიშსწორება მიმწოდებელთან განხორციელდება ხელშეკრულების 5.7. პუნქტის შესაბამისად გაფორმებული საბოლოო მიღება-ჩაბარების აქტის წარდგენიდან არაუგვიანეს 10 (ათი) სამუშაო დღის განმავლობაში.

7. მხარეთა ვალდებულებები

7.1. „მიწოდებელი“ ვალდებულია:

7.1.1. მიაწოდოს „შემსყიდველს“ მომსახურება ხელშეკრულებით გათვალისწინებული მოთხოვნების განუხრელი დაცვით.

7.1.2. უზრუნველყოს მომსახურების გაწევა აღნიშნული მომსახურებისათვის დადგენილი სტანდარტების მიხედვით.

7.1.6. დროულად განიხილოს „შემსყიდველის“ მხრიდან დასმული საკითხები, რომლებიც დაკავშირებულია ხელშეკრულების შესრულებასთან.

7.2. „შემსყიდველი“ ვალდებულია:

7.2.1. სახელმწიფო ბიუჯეტით გათვალისწინებული თანხების უწყვეტი დაფარვის პირობებში უზრუნველყოს „მიწოდებლის“ დროული და სრული დაფინანსება ხელშეკრულებით გათვალისწინებულ ვადებში.

7.2.2. დროულად განიხილოს „მიწოდებლის“ მხრიდან დასმული საკითხები, რომლებიც დაკავშირებულია ხელშეკრულების შესრულებასთან.

7.2.3. დაიცვას ხელშეკრულებით გათვალისწინებული ყველა პირობა.

8. მხარეთა უფლება

8.1. „მიწოდებელს“ უფლება აქვს, ხელშეკრულების ფარგლებში მოითხოვოს დროული და სრული დაფინანსება.

8.2. „შემსყიდველს“ უფლება აქვს აწარმოოს მიწოდებული მომსახურების ხელშეკრულების მოთხოვნებთან შესაბამისობის კონტროლი

9. ფორს-მაჟორი

9.1. ხელშეკრულების პირობების ან რომელიმე მათგანის მოქმედების შეჩერება ფორს-მაჟორული გარემოებების დადგომის გამო არ იქნება განხილული როგორც ხელშეკრულების პირობების შეუსრულებლობა ან დარღვევა და არ გამოიწვევს საჯარიმო სანქციების გამოყენებას;

9.2. ამ მუხლის მიზნებისათვის ფორს-მაჟორი ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული შემსყიდველისა და/ან მიწოდებლის შეცდომებსა და დაუდევრობასთან და რომლებსაც გააჩნია წინასწარ გაუთვალისწინებელი ხასიათი. ასეთი გარემოება შეიძლება გამოწვეულ იქნეს ომით, სტიქიური მოვლენებით, ეპიდემიით, კარანტინით და მომსახურების მიწოდებისთვის საჭირო საქონლის მიწოდებაზე ემბარგოს დაწესებით, საბიუჯეტო ასიგნების მკვეთრი შემცირებით და სხვა.

9.3. ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამოწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობისა და მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამონახოს ვალდებულებების შესრულების ისეთი ალტერნატიული ხერხები, რომლებიც დამოუკიდებელი იქნებიან ფორს-მაჟორული გარემოებების ზეგავლენისაგან.

10. ხელშეკრულების პირობების და ფასების გადასინჯვა

10.1. თუ რაიმე წინასწარ გაუთვალისწინებელი მიზეზების გამო წარმოიშობა ხელშეკრულების პირობების შეცვლის აუცილებლობა, ცვლილებების შეტანის ინიციატორი ვალდებულია წერილობით შეატყობინოს მეორე მხარეს შესაბამისი ინფორმაცია. ამავე დროს შემსყიდველი არ არის ვალდებული წარუდგინოს მიწოდებელს რაიმე მტკიცებულებანი იმ გარემოებებთან დაკავშირებით, რომლების გამოც წარმოიშვა ხელშეკრულების პირობების შეცვლის აუცილებლობა.

10.2. წინამდებარე ხელშეკრულების ფასების შეცვლა დასაშვებია საქართველოს სამოქალაქო კოდექსის 398-ე მუხლით გათვალისწინებულ შემთხვევებში.

10.3. საქართველოს სამოქალაქო კოდექსის 398-ე მუხლით გათვალისწინებული პირობების დადგომის შემთხვევაში, დაუშვებელია სახელმწიფო შესყიდვის შესახებ ხელშეკრულების ჯამური ღირებულების 10%-ზე მეტი ოდენობით გაზრდა.

10.4. თუ მომსახურების პროცესში აღმოჩნდება, რომ საჭიროა ისეთი მომსახურების შესყიდვა, რომელიც გათვალისწინებული არ არის ხელშეკრულების დანართში №1 (სატენდერო დოკუმენტაციის დანართი N2), ასეთ შემთხვევაში შესაძლებელია განხორციელდეს ხელშეკრულებაში ცვლილება მხარეთა შეთანხმების საფუძველზე. გაუთვალისწინებელი მომსახურების ერთეულის ფასის განსაზღვრა ხდება შემსყიდველთან შეთანხმებით, რომელიც არ უნდა აღემატებოდეს საბაზრო ფასს, ხოლო გაუთვალისწინებელი მომსახურების არარსებობით გამოწვეული შესყიდვის ხვედრითი წილი არ უნდა აღემატებოდეს ხელშეკრულების ჯამური ღირებულების 10%-ს.

10.5. ხელშეკრულების პირობების ნებისმიერი ცვლილება უნდა გაფორმდეს წერილობითი ფორმით, რომელიც ჩაითვლება ხელშეკრულების განუყოფელ ნაწილად.

11. სადაო საკითხების გადაწყვეტა

11.1. შემსყიდველმა და მიმწოდებელმა ყველა ღონე უნდა იხმარონ, რათა შეთანხმებით მოაგვარონ ყველა უთანხმოება და დავა, წარმოქმნილი მათ შორის ხელშეკრულების ან მასთან დაკავშირებული სხვა კომპონენტის ირგვლივ.

11.2. თუ შემსყიდველი და მიმწოდებელი ვერ შეძლებენ სადაო საკითხის შეთანხმებით მოგვარებას, ნებისმიერ მხარეს დავის გადაწყვეტის მიზნით შეუძლია დადგენილი წესის მიხედვით მიმართოს საქართველოს სასამართლოს.

12. ხელშეკრულების შესრულების შეფერხება

თუ ხელშეკრულების შესრულების პროცესში მხარეები წააწყდებიან რაიმე ხელშემშლელ გარემოებებს, რომელთა გამო ფერხდება ხელშეკრულების პირობების შესრულება, ამ მხარემ დაუყოვნებლივ უნდა გაუგზავნოს მეორე მხარეს წერილობითი შეტყობინება შეფერხების ფაქტის, მისი შესაძლო ხანგრძლივობის და გამომწვევი მიზეზების შესახებ. შეტყობინების მიმღებმა მხარემ ათი დღის ვადაში უნდა აცნობოს მეორე მხარეს თავისი გადაწყვეტილება, აღნიშნულ გარემოებებთან დაკავშირებით. იმ შემთხვევაში, თუ ხელშეკრულების პირობების შესრულების შეფერხების გამო მხარეები შეთანხმდებიან ხელშეკრულების პირობების შესრულების ვადის გაგრძელების თაობაზე, ეს გადაწყვეტილება უნდა გაფორმდეს ხელშეკრულებაში ცვლილებების შეტანის (შეთანხმების) გზით.

13. ხელშეკრულების პირობების შეუსრულებლობა

13.1. მიმწოდებელი კისრულობს პასუხისმგებლობას წინამდებარე ხელშეკრულების დანართი №1-ით (სატენდერო დოკუმენტაციის დანართი N2) გათვალისწინებული მომსახურების გაწევის ვადების დარღვევის შემთხვევაში გადაუხადოს პირგასამტეხლო შემსყიდველს მთლიანი სახელშეკრულებო ღირებულების 0.5 %-ის ოდენობით ყოველ ვადაგადაცილებულ დღეზე.

13.2. შემსყიდველი კისრულობს პასუხისმგებლობას წინამდებარე ხელშეკრულების 6.4. პუნქტით გათვალისწინებული ანგარიშსწორების ვადების დარღვევის შემთხვევაში გადაუხადოს პირგასამტეხლო მიმწოდებელს მთლიანი სახელშეკრულებო ღირებულების 0.1 %-ის ოდენობით ყოველ ვადაგადაცილებულ დღეზე.

13.3. მიმწოდებელი კისრულობს პასუხისმგებლობას აანაზღაუროს ყველა ის ზიანი, რომელიც შემსყიდველს მიადგება უხარისხოდ მიწოდებული მომსახურების გაწევის შედეგად, ზიანის დადგენა მოხდება მოქმედი კანონმდებლობის შესაბამისად.

14. ხელშეკრულების შეწყვეტა

15.1. ხელშეკრულება შეიძლება შეწყვეტილ იქნეს:

14.1.1. მხარეთა შეთანხმებით;

14.1.2. ერთი მხარის მიერ 10 (ათი) სამუშაო დღის განმავლობაში ხელშეკრულებით ნაკისრი ვალდებულებების შეუსრულებლობისათვის;

14.1.3. ერთ-ერთი მხარის ინიციატივით, მეორე მხარის წერილობითი გაფრთხილებიდან 10 (ათი) სამუშაო დღის განმავლობაში;

14.1.4. საქართველოს მოქმედი კანონმდებლობით გათვალისწინებულ სხვა შემთხვევებში.

15. ხელშეკრულების მოქმედების ვადა

წინამდებარე ხელშეკრულება ძალაში შედის ხელმოწერისთანავე და მოქმედებს 2011 წლის 31 დეკემბრამდე.

16. განსაკუთრებული პირობები

16.1. ხელშეკრულება შედგენილია ————— გვერდზე, 3 ეგზემპლარად და თითოეულ მათგანს თანაბარი იურიდიული ძალა აქვს;

16.2. ხელშეკრულების ერთი ეგზემპლარი ინახება „მიმწოდებელთან“, ორი — „შესყიდველთან“

„შესყიდველი“

„მიმწოდებელი“

სსიპ „სახელმწიფო ზრუნვის სააგენტო“

ქ. თბილისი წერეთლის გამზ. #144

სახელმწიფო ხაზინა

კოდი # -----

ა/ა # -----

ს/კ # -----

თამარ მახარაშვილი

დირექტორი

4. დამატებითი ინფორმაცია.

4.1 სატენდერო დოკუმენტაციასთან დაკავშირებული განმარტებების მიღება პრეტენდენტს შეუძლია სატენდერო კომისიის აპარატში, წერილობითი მიმართვის შემთხვევაში. ქ. თბილისი, თამარაშვილის ქ.№ 15ა ქ. მე-3 სართული. საკონტაქტო პირი: იური ცხოიძე, მონა ჯორჯიკია, ილია რევაზიშვილი ტელ: +99532 395319

აფიდავიტი

სატენდერო წინადადების დამოუკიდებლად განსაზღვრის თაობაზე

გამოცხადებულ ტენდერში მონაწილეობის მიღების მიზნით, ვადასტურებ, რომ ჩემს მიერ წარმოდგენილი სატენდერო წინადადება შემუშავებულია კონკურენტისგან დამოუკიდებლად. ასევე ვადასტურებ, რომ:

- * ჩემთვის ცნობილია, რომ სატენდერო წინადადება დისკვალიფიცირებულ იქნება, თუ აღმოჩნდა, რომ აფიდავიტში მოცემული ინფორმაცია არის ყალბი ან/და ცრუ;
- * უფლებამოსილი ვარ პრეტენდენტის მიერ, ხელი მოვანერო ამ აფიდავიტს და წარვადგინო ეს სატენდერო წინადადება;
- * ნებისმიერ პირი, რომლის ხელმოწერაც დაფიქსირებულია სატენდერო წინადადებაზე, შესაბამისად უფლებამოსილია პრეტენდენტის მიერ;
- * ჩემთვის ცნობილია რომ ტერმინი "კონკურენტი" აფიდავიტის მიზნებიდან გამომდინარე, გულისხმობს ნებისმიერ პირს, რომელიც შესაძლებელია იყოს პრეტენდენტი ან/და წარადგინოს სატენდერო წინადადება ამ ტენდერში;
- * მატერიალური გამორჩენის ან უპირატესობის მიღების მიზნით პრეტენდენტსა და კონკურენტს შორის არ წარმოებულა კონსულტაცია, კომუნიკაცია, შეთანხმება ან მოლაპარაკება შემდეგ საკითხებთან დაკავშირებით:
 - სატენდერო წინადადების ფასი;
 - სატენდერო წინადადების ფასის გამოთვლის მეთოდი, კოეფიციენტი ან ფორმულა;
 - სატენდერო წინადადების წარდგენა ან წარდგენისგან თავის შეკავება;
 - ისეთი სატენდერო წინადადების განზრახ წარდგენა, რომელიც არ აკმაყოფილებს გამოცხადებული ტენდერის პირობებს;
 - შესყიდვის ობიექტის ხარისხი, მოცულობა, ტექნიკური პირობები ან მინოდების დეტალები, რომელთაც ეხება სატენდერო წინადადება;
- * სატენდერო წინადადების პირობები პრეტენდენტს წინასწარი განზრახვით, პირდაპირ ან არაპირდაპირ, არ გაუმჟღავნებია ან/და არ გაუმჟღავნებს კონკურენტს სატენდერო წინადადების განსაჯაროების მომენტამდე.

გავეცანი ამ აფიდავიტის შინაარსს და ვადასტურებ წარმოდგენილი ინფორმაციის უტყუარობას.

სახელმწიფო შესყიდვების მიზნებისთვის, აფიდავიტი წარმოადგენს სატენდერო წინადადების დამოუკიდებლად განსაზღვრის თაობაზე წერილობით დოკუმენტს, რომლის ხელმოწერი, პრეტენდენტის სახელით, ადასტურებს დოკუმენტში მითითებული ინფორმაციისა და გარემოებების უტყუარობას და საქართველოს კანონმდებლობით დადგენილი წესით პასუხს აგებს აღნიშნული ინფორმაციისა და გარემოებების უტყუარობაზე. აფიდავიტით განსაზღვრული პირობების დარღვევა იწვევს სისხლის-სამართლებრივ პასუხისმგებლობას საქართველოს სისხლის სამართლის კოდექსის 195¹ მუხლის შესაბამისად.

„
(პრეტენდენტის დასახელება)

შეცდების თარიღი, „
2011წ

სატენდერო წინადადების ფასი (ერთეულის ფასების ჯამური ღირებულება), ტექნიკური პირობები, მიწოდების
ადგილი და ტექნიკური დავალება
სატენდერო წინადადების ფასი (ერთეულის ფასების ჯამური ღირებულება - პრეისკურანტი)

(თანხა ციფრობრივად) (თანხა სიტყვიერად)

თერაპიული მომსახურება			
გასაწევი მომსახურების ჩამონათვალი		ერთეულ ის ფასი (ლარი) (*)	მიწოდების ადგილი, და ვადები
პირველადი დახმარება	სარძევე კბილები		მომსახურების მიწოდება უნდა განხორციელდეს მაღალი კვალიფიკაციის მქონე ექიმ- სტომატოლოგ(ები)ის მიერ, მომსახურების მიწოდება უნდა განხორციელდეს მიმწოდებლის სტომატოლოგიურ კლინიკაში (სტომატოლოგიური კაბინეტი). სტომატოლოგიური კაბინეტი უნდა იყოს აღჭურვილი ყველა იმ მანქანა დანადგარით თუ მოწყობილობით, ასევე ყველა საჭირო მედიკამენტით, რომელიც აუცილებელი იქნება მომსახურების გაწევისათვის. მომსახურების გაწევისას უნდა იყოს დაცული ჰიგიენური ზომები, მომსახურების გაწევის დროს ყველა ინსტრუმენტი უნდა იყოს სათანადო დონეზე დეზინფექცირებული. მომსახურების მიწოდებისას ყველა სახარჯი საჭირო მასალა უნდა იყოს მაღალი ხარისხის და შესაბამისობა შესაბამის სტანდარტებს. ექიმ-სტომატოლოგი ვალდებულია მომსახურების გაწევამდე დეტალურად შეისწავლოს პაციენტის მდგომარეობა, დასვას ზუსტი დიაგნოზი, გამოიკვლიოს არის თუ არა პაციენტი რომელიმე პრეპარატის მიმართ ალერგიული. გაწეული მომსახურება უნდა შეესაბამებოდეს აღნიშნული მომსახურებისათვის გათვალისწინებულ სტანდარტებს
	მუდმივი კბილები		
მუდმივი კბილის მკურნალობა	კარიესის მკურნალობა ჰელიო ბჟენით		
პულპიტის მკურნალობა	ერთ არხიანი ჰელიო ბჟენით		
	ორარხიანი ჰელიო ბჟენით		
პერიოდონტიტის მკურნალობა ჰელიო ბჟენით			
დარიშხანის პასტის დადება მუდმივ კბილში			
არხიდან უცხო სხეულის ამოღება			
ვინირება			
ენდოდონტი ური მკურნალობა	ერთ არხიანი კბილის დეპულტაცია და დაბჟენა;		
	ორ და სამ არხიანი კბილის დეპულტაცია და დაბჟენა		
ლორწოვანი დაავადებები	გინგივიტი, პაროდონდიტი, პარადონტოზი, სტომატიტი		
კბილის რენტგენი			

(ხელმოწერა)

(ბეჭედის ადგილი, ბეჭდის არსებობის შემთხვევაში)

ორთოპედიული მომსახურება			
გასაწევი მომსახურების ჩამონათვალი	ერთეული ს ფასი(*)	ტექნიკური დავალება	მიწოდების ადგილი და ვადები
მეტალოპლასტმასის გვირგვინი		მომსახურების მიწოდება უნდა განხორციელდეს მაღალი კვალიფიკაციის მქონე ექიმ-სტომატოლოგ(ები)ის მიერ, მომსახურების მიწოდება უნდა განხორციელდეს მიმწოდებლის სტომატოლოგიურ კლინიკაში (სტომატოლოგიური კაბინეტი). სტომატოლოგიური კაბინეტი უნდა იყოს აღჭურვილი ყველა იმ მანქანა დანადგარით თუ მოწყობილობით, ასევე ყველა საჭირო მედიკამენტით, რომელიც აუცილებელი იქნება მომსახურების გაწევისათვის. მომსახურების გაწევისას უნდა იყოს დაცული ჰიგიენური ზომები, მომსახურების გაწევის დროს ყველა ინსტრუმენტი უნდა იყოს სათანადო დონეზე დეზინფექცირებული. მომსახურების მიწოდებისას ყველა სახარჯი საჭირო მასალა უნდა იყოს მაღალი ხარისხის და შეესაბამებოდეს შესაბამის სტანდარტებს. ექიმ-სტომატოლოგი ვალდებულია მომსახურების გაწევამდე დეტალურად შეისწავლოს პაციენტის მდგომარეობა, დასვას ზუსტი დიაგნოზი, გამოიკვლიოს არის თუ არა პაციენტი რომელიმე პრეპარატის მიმართ ალერგიული. გაწეული მომსახურება უნდა შეესაბამებოდეს აღნიშნული მომსახურებისათვის გათვალისწინებულ სტანდარტებს	მომსახურების მიწოდება უნდა განხორციელდეს ხელშეკრულების გაფორმების დღიდან 2011 წლის განმავლობაში. მომსახურების გაწევა უნდა დაიწყოს პაციენტის კლინიკაში გამოცხადებისთანავე და დასრულდეს გონივრულ ვადაში, რომელიც საჭირო იქნება პაციენტის განკურნებისთვის მომსახურების მიწოდება ხორციელდება შემსყიდველის სტომატოლოგიურ კლინიკაში (სტომატოლოგიური კაბინეტი)
ჩანართი			
დროებითი გვირგვინი 1 ერთეული			
კბილის დაცემენტება			
ფიზიო			

(ხელმოწერა)

(ბეჭედის ადგილი, ბეჭდის არსებობის შემთხვევაში)

ქირურგიული მომსახურება			
გასაწევი მომსახურების ჩამონათვალი		ერთეულის ფასი (ლარი)(*)	მიწოდების ადგილი და ვადები
სარძევე კბილების ექსტრაქცია	აპლიკაციური ანესთეზია		მომსახურების მიწოდება უნდა განხორციელდეს მაღალი კვალიფიკაციის მქონე ექიმ-სტომატოლოგ(ები)ის მიერ, მომსახურების მიწოდება უნდა განხორციელდეს მიმწოდებლის სტომატოლოგიურ კლინიკაში (სტომატოლოგიური კაბინეტი). სტომატოლოგიური კაბინეტი უნდა იყოს აღჭურვილი ყველა იმ მანქანა დანადგარით თუ მოწყობილობით, ასევე ყველა საჭირო მედიკამენტით, რომელიც აუცილებელი იქნება მომსახურების გაწევისათვის. მომსახურების გაწევისას უნდა იყოს დაცული ჰიგიენური ზომები, მომსახურების გაწევის დროს ყველა ინსტრუმენტი უნდა იყოს სათანადო დონეზე დეზინფექცირებული. მომსახურების მიწოდებისას ყველა სახარჯი საჭირო მასალა უნდა იყოს მაღალი ხარისხის და შეესაბამებოდეს შესაბამის სტანდარტებს. ექიმ-სტომატოლოგი ვალდებულია მომსახურების გაწევამდე დეტალურად შეისწავლოს პაციენტის მდგომარეობა, დასვას ზუსტი დიაგნოზი, გამოიკვლიოს არის თუ არა პაციენტი რომელიმე პრეპარატის მიმართ ალერგიული. გაწეული მომსახურება უნდა შეესაბამებოდეს აღნიშნული მომსახურებისათვის გათვალისწინებულ სტანდარტებს
	ანესთეზია ლიდოკაინით		
	ანესთეზია კარპულით		
მუდმივი ერთფესვიანი კბილების ექსტრაქცია	ანესთეზია ლიდოკაინით		
	ანესთეზია კარპულით		
	გართულებული		
მუდმივი მრავალფესვიანი კბილების ექსტრაქცია	ანესთეზია ლიდოკაინით		
	ანესთეზია კარპულით		
	გართულებული		
რეტენციული კბილის ექსტრაქცია	ნაწილობრივი		
	სრული		
ლაგამის კორექცია			
მწვერვალის რეზექცია			
ალვეოლიტის მკურნალობა			
ალვეოლური მორჩის კორექცია	ეგზოსტომის მოშორება		
პერიკორონიტი			
კანქვეშა აბსცესი			
სუბპერიოსტალური აბსცესი			
ზედა ყბის წიაღის პოსტექსტრაქციული ხვრელარხის პლასტიკა			
მცირე ზომის ჭრილობების პირველადი ქირურგ. დამუშავება			
მობილიზაცია კბილების ნაწილობრივი და სრული ამოვარდნის დროს			
კისტექტომია			
ქვ. ყბის მოტეხილობა, მკურნ. ორთოპედიული მეთოდით			
მცირე ზომის კეთილთ. სიმსივნეები და სიმსივნისმაგვარი წარმონაქმნების ქირურგიული მკურნალობა			
პოსტექსტრაქციული სისხლდენის ქირურგიული მკურნალობა			
სეკვესტრექტომია			

(*)სატენდერო წინადადების ფასი (ერთეულის ფასის ჯამური ღირებულება - პრეისკურანტი) წარმოდგენილი უნდა იყოს დღგ-ს გარეშე, ასევე პრეტენდენტმა ერთეულის ღირებულებაში უნდა გაითვალისწინოს ყველა ის თანმდევი ხარჯი, რომელიც დაკავშირებული იქნება მომსახურების გაწევასთან.

(ხელმოწერა)

(ბეჭედის ადგილი, ბეჭდის არსებობის შემთხვევაში)

(*)ელექტრონული ვაჭრობის შემთხვევაში გამარჯვებულ პირს დამატებით მოეთხოვება მის მიერ დაფიქსირებული საბოლოო ფასის შესაბამისი სატენდერო წინადადების განფასება დანართი №2-ის შესაბამისად, მოთხოვნის შესაბამისად განსაზღვრულ ვადაში. პირვანდელ და საბოლოო ფასს შორის სხვაობა უნდა დაანგარიშდეს პროცენტულად. შესაბამისად, მომსახურების ერთეულის ფასი თითოეულ პოზიციაზე წარმოდგენილი უნდა იყოს დაფიქსირებული პროცენტული მაჩვენებლის პროპორციული ოდენობით, კლების პრიციპით.

(**)თუ მომსახურების პროცესში აღმოჩნდება, რომ საჭიროა ისეთი მომსახურების შესყიდვა, რომლიც გათვალისწინებული არ არის დანართი N2-ში, ასეთ შემთხვევაში შესაძლებელია განხორციელდეს ხელშეკრულებაში ცვლილება მხარეთა შეთანხმების საფუძველზე. დანართი N2-ში გაუთვალისწინებელი მომსახურების ერთეულის ფასის განსაზღვრა ხდება შემსყიდველთან შეთანხმებით, რომელიც არ უნდა აღემატებოდეს საბაზრო ფასს, ხოლო გაუთვალისწინებელი მომსახურების არარსებობით გამოწვეული შესყიდვის ხვედრითი წილი არ უნდა აღემატებოდეს ხელშეკრულების ჯამური ღირებულების 10%-ს . შემსყიდველს უფლება აქვს ფასის განსაზღვრის მიზნით ჩაატაროს ბაზრის კვლევა.

პრეტენდენტის მიერ ივსება მხოლოდ ერთეულის ფასი , ხოლო დანართი №2-ით გათვალისწინებული სხვა მოთხოვნები უცვლელია და პრეტენდენტი ვალდებულია დაეთანხმოს მოცემულ პირობებს

(ხელმოწერა)

(ბეჭედის ადგილი, ბეჭდის არსებობის შემთხვევაში)

ანგარიშსწორების პირობები და ვადები

(პრეტენდენტის დასახელება)

(შევესების თარიღი)

- ანგარიშსწორება განხორციელდება უნაღდო ანგარიშსწორების ფორმით ლარში.
- ანგარიშსწორება განხორციელდება ხელშეკრულების თანახმად გაფორმებული საბოლოო ინსპექტირების აქტის და საბოლოო მიღება-ჩაბარების აქტის საფუძველზე, საბოლოო მიღება-ჩაბარების აქტის გაფორმებიდან 10 (ათი) სამუშაო დღის განმავლობაში.

(ხელმოწერა)

(ბეჭედის ადგილი, ბეჭდის არსებობის შემთხვევაში)

რეკვიზიტები:

პრეტენდენტის სამართლებრივი ფორმა და დასახელება:

ხელმძღვანელის სახელი და გვარი:

პრეტენდენტის იურიდიული ან/და ფაქტიური მისამართი:

საიდენტიფიკაციო კოდი:

პრეტენდენტის ტელეფონის ნომერი:

ელექტრონული ფოსტის მისამართი:

ბანკის კოდი:

ანგარიშის ნომერი:

(ხელმოწერა)

(ბეჭედის ადგილი, ბეჭდის არსებობის შემთხვევაში)